

## **Unique Disability ID (UDID)**

*(Pianphunga Rualbanlote tana ID card siam dan thar)*

India ram sawrkar laipui chuan Pianphunga rualbanlo zawng zawng te chanchin kimchang leh felfai chhinchhiahna tur leh ID card in ang tlang a awm theih nan Pianphunga Rualbanlote tan ID card siam dan thar, UDID project chu a duang thar a. He project kalklang hian pianphunga rualbanlote hnenah online in ID card pek chhuah mek a ni. He project hmang hian sawrkarin Pianphunga Rualbanlote dinhmun chiang takin a hre thei dawn a, an tana hamthatna hrang hrangte pawh a la duang chhuak thei dawn a ni.

He ID card thar hi Mizoram ah pawh pek chhuah mek a ni a, Pianphunga Rualbanlo zawng zawng ten he ID card hi neih theuh tur a ni a. He ID card nei lo te chuan sawrkar ah rualbanlote tana hamthatna dawn chi reng reng an dil thei tawh dawn lo a ni.

Hetianga hian he ID card thar siam hi kalpui mek a ni.

1. Pianphunga rualbanlo Disability Certificate la nei lo te chuan, District tin District Hospital-ah form lain, Disability Certificate lak tur a ni a. Disability Certificate an neih hnuah District hospital atang chuan online in ID card an lo siam sak ang.
  - a. He Disability Certificate lakna turah hian Passport Size photo (2 nos.) leh address-proof document (e.g. Aadhaar emaw Voter Id emaw Ration Card emaw address tichiang tur document dang eng pawh) ken tel tur a ni.
2. Disability Certificate nei he ID card la nei lo te tan online in application hi website <https://www.swavlambancard.gov.in/> ah a thehluh theih reng a. An document pawimawh te scanned copy chiang taka upload bawh tur a ni.
3. Disability Certificate la nei lo te pawhin online hian application an submit thei reng a, amaherawhchu District Hospital ah Specialist Doctor hnenah an inentir a ngai leh dawn a ni.

Pianphunga Rualbanlo zawng zawngte he ID nei theuh tur hian Social Welfare & Tribal Affairs Department chuan a sawmin a ngen a ni. Zawhfiah duh nei tan heng no. **7630073985/6009672677** ah hian a zawhfiah theih reng a ni.

**A hnuaiia mite hi Directorate of Social Welfare & Tribal Affairs, Aizawl, Mizoram hnuaiia rualbanlo tana hamthatna dil theih te a ni-**

1. **Indira Gandhi National Disability Pension Scheme (IGNDPS)-**  
He scheme hi National Social Assistance Programme (NSAP) hnuaiia awm niin, rualbanlo BPL category hnuaiia awm tena thla tin ₹400 pension an dawn ve theihna a ni.
2. **Disability Pension-**  
He scheme hi state sawrkar funding a ni a, rualbanlote tana thla tin ₹350 pension an lak theihna a ni.
3. **National Handicapped Castes Finance & Development Corporation (NHFDC) Loan Scheme-**  
He scheme hnuaiiah hian rualbanlo te tan awlsam zawkin eizawna bul tanna/zirna senso atan te loan lak theih a ni.
4. **Economic Rehabilitation-**  
He programme hnuaiiah hian trade thlan tur hrang hrang awmin ran vulh (vawk & ar) tanpuina ₹4000 pek a ni a, petty business a thlan theih bawk. Puanthui khawl leh shoe-making thlang te tan a bungruaa pek chhuah a ni thung.
5. **Writer/Scribe Allowance-**  
Rualbanlo zirlaite tan an zirlai exam ziahsaktu rawihna senso bill theih a ni.
6. **Handicapped Students Stipend-**  
Mizoram chhunga rualbanlo school (govt./private/special school) la kal mek ten hetiang hian stipend an dawng thei a ni-
  - Upto Class IV - ₹800/- per head per year
  - Class V-VII - ₹1000/- per head per year
  - Class VIII-XII - ₹2500/- per head per year
7. **Unemployment Allowance-**  
Rualbanlo Employment Exchange Office-a in register hna la hmulo te hnenah ₹7800 pek thin a ni.
8. **Training Centre for Specially-Abled Persons-**  
He Training Centre hi Chaltlang & Lunglei-ah awmin rualbanloten eizawna ngelnghet an neih theih nana din a ni a, hemi hnuaiiah hian a thlawn vekin puanthui leh pheikhawk chhe siam a zir theih a. An zir chungin trainee stipend atan ₹8400 theuh dawng telin course an zawh hnuah bul an tanna tur atana an mamawh hmanrua te pek tel an ni. Hostel mamawh tan a thlawnin a awm theih bawk.
9. **Job Reservation-**  
RPWD Act, 2016 hnuaiiah rualbanlo ten sawrkar hna awlsam zawka an luh theih nan 4% quota zuah sak an ni.
10. **Age Relaxation-**  
Rualbanlo Scheduled Tribe (ST) chin te chu state sawrkar hnuaiia an thawh awm tawk hna thawk thei turin kum 35+15 ngainat thiamna a awm a ni.